

11 JAN 1997

Mahathir - Senarai

TUJUH MUKA BARU DILANTIK TIMBALAN PENERUSI UMNO NEGERI

KUALA LUMPUR, 11 Jan (Bernama) -- Perdana Menteri Datuk Seri Dr Mahathir Mohamad hari ini mengumumkan pelantikan muka-muka baru sebagai Timbalan Pengerusi Badan Perhubungan Umno Negeri bagi Perlis, Kedah, Pulau Pinang, Perak, Melaka, Johor dan Sabah.

Setiausaha Parlimen di Jabatan Perdana Menteri Datuk Azmi Khalid dilantik sebagai Timbalan Pengerusi Badan Perhubungan Umno Perlis, Menteri di Jabatan Perdana Menteri Datuk Abdul Hamid Othman (Kedah), Timbalan Ketua Menteri Pulau Pinang Datuk Mohd Shariff Omar (Pulau Pinang), Timbalan Menteri Dalam Negeri Datuk Seri Megat Junid Ayob (Perak), Timbalan Menteri Pengangkutan Datuk Mohamed Ali Rustam (Melaka), Menteri Pertahanan Datuk Syed Abdul Hamid Albar (Johor) dan Timbalan Ketua Menteri Sabah Datuk Ghafur Salleh (Sabah).

Azmi mengambil tempat Datuk Seri Shahidan Kassim yang dilantik sebagai Pengerusi Badan Umno negeri itu bulan lepas, Abdul Hamid pula menggantikan Datuk Zakaria Said, Mohd Shariff menggantikan Timbalan Menteri di Jabatan Perdana Menteri Datuk Dr Ibrahim Saad, Megat Junid pula menggantikan Datuk Junus Wahid.

Mohamed Ali menggantikan Speaker Dewan Undangan Negeri Melaka Datuk Haji Nasir Manap, Syed Hamid mengambil tempat Menteri Penerangan Datuk Mohamed Rahmat dan Ghafur menggantikan Senator John Ghani.

Timbalan Pengerusi bagi Badan Perhubungan Umno Negeri Terengganu, Pahang, Kelantan, Wilayah Persekutuan, Selangor dan Negeri Sembilan dikekalkan.

Mereka terdiri daripada Ketua Penerangan Umno Datuk Dr Yusof Nor (Terengganu), Setiausaha Agung yang juga Menteri Kebudayaan, Kesenian dan Pelancongan Datuk Sabbaruddin Chik (Pahang), Menteri Pembangunan Luar Bandar Datuk Annuar Musa (Kelantan), Menteri Perdagangan Dalam Negeri dan Hal Ehwal Pengguna Datuk Abu Hassan Omar (Selangor), Timbalan Menteri Penerangan Datuk Suleiman Mohamad (Wilayah Persekutuan) dan Timbalan Menteri Pendidikan Datuk Haji Khalid Yunus (Negeri Sembilan).

Dr Mahathir juga mengumumkan senarai nama pengerusi biro Umno dengan Menteri Pendidikan Datuk Seri Najib Tun Razak (Pendidikan), Datuk Dr Abdul Hamid Othman (Agama), Datuk Dr Yusof Nor (Penerangan), Menteri Pembangunan Usahawan Datuk Mustapa Mohamed (Sosial dan Pengaduan Awam) dan Menteri Luar Datuk Abdullah Ahmad Badawi (Hal Ehwal Antarabangsa). -- BERNAMA

SJA MAI